

隱岐入道行西駿河前司義村、民部大夫入道行然、加賀守康俊、彈正忠季氏等候、其砌依去九日雷事、可令避御所給否、將又被行御占、就吉凶宜有御進退否事及評議意見區分、季氏申云於先規者不分、明如此事可依占吉凶、歟難有于人口、醍醐御宇延長八年六月廿六日、清涼殿坤方柱上霹靂、大納言清實右中辨希世朝臣、忽爲雷火、薨是雖非常途之篇、猶無遷幸之儀、只入御常寧殿云云、行西申云、延長例不吉也、同八月廿三日、御脫屣、同九月廿九日、有御事、又入御常寧殿上者、猶可准遷幸歟云云、助教申云、故右大將家被攻、與州之時、軍陣雷落、承久兵亂之時、右京兆益殿雷落、皆是吉事也、然者不可爲恠異、可定吉事云云、義村行然、康俊等申云、先規者不覺悟之、以現量所思、只可令去御所歟、但付是非可被行御占云云、仍一揆之間、助教召陰陽師等七人各參候、將軍家藤原賴經御坐簾中、相州武州、義村、行西等祇候御前、師員傳仰云、去十九日雷落事、若雖有可忌之事、於關東先例者、還可謂古事歟、而可令去御所給之由、有申人々、可爲何樣哉、各可計申者、泰貞朝臣申云、大內以下所處雷落常事也、御占者雖被行之、無左右令去御所之先例、不覺悟然者、可被決御占云云、晴賢申云、雷落所不可居住之由、先祖晴道會釋之上、金匱經并初學記文等不快、可令去給云云、彼經等師員披見之、親職晴幸申云、驚與雷雨恠異、重疊訖、尤可令避給云云、國經同泰貞之儀、重宗申云、京邊雷落所々不被去之上、限此御所不可有其儀云云、師員云、後京極殿將軍家御先祖也、御坐大炊殿之時、雖雷落不令避之給、定有御存知旨歟、爲彼御子孫當攝錄御繁榮日新非佳例哉云云、晴賢答云、御子孫榮貴者不能左右、但大炊殿無程爲灰燼於今者、彼跡荒廢無一字御所、凡非無七八十壽算之人、僅三十八而御頓滅、非最上之例、歟、義村聞晴賢返答、頗有甘心之氣云云、付是非可被行御占之旨、被仰之間、泰貞、重宗、如去九日酉刻者、一切無別御事、粗宜之由、占申、親職、晴賢、晴職、不快之由、申之、晴親、國繼、半吉之由、申、其後陰陽師等退座、爰有評議、不可去御之由、議定訖、相州武州、助教被參御前、令披露事次第給、仰云、依先度驚事、可去御哉云云、武州又被出廊、召陰陽師等、於本座被行御占、令去御之條、尤可然之由、一同占申之、